

Fakkeenya Hojii mushrikootaa/kaafirotaa-Kutaa 1

Description

Jalqaba kaafirota jechuun namoota haala sirriin Rabbii oltaâ€™aatti hin amanne ykn arkaana iimaanaa keessaa tokkotti amanuu didan ykn hojii kufrii hojjataniidha. Mushrikooni immoo namoota Rabbii oltaâ€™aa waliin waan biraa gabbaraniidha (waaqeffataniidha). Mushrikni hundi kaafira. Kanaafu, kaafirri mushrika caalaa maqaa wali gala taâ€™eedha. Hojiin kaafiraa Rabbii oltaâ€™aa biratti fudhatama hin qabu. Sababni isaas, ulaagaalee hojiin fudhatama itti argatu hin guunne. Ulaagaaleen kunniinis: arkaana (hundeewwan) iimaanatti haala sirriin amanuu, ikhlaasa qabaachu fi shariâ€™aa hordofuun hojii gaggaarii hojjachuudha. Qurâ€™aana keessatti fakkeenya hojii kaafiroota ykn mushrikoota haala ajaaâ€™ibaatin dhiyeessa. Mee haa ilaallu.

وَالَّذِينَ كَفَرُوا أَعْمَلَهُمْ كَسْرَابٍ بِقِيَعَةٍ يَحْسَبُهُ الظَّمْثَانُ مَاءً حَتَّى إِذَا
جَاءَهُ لَمْ يَجِدْهُ شَيْئًا وَوَجَدَ اللَّهُ عِنْدَهُ فَوْقَهُ حِسَابَهُ وَاللَّهُ سَرِيعُ
الْحِسَابِ

٣٩

â€™Warri kafaran hojiiwwan isaanii akka saraaba dirree keessatti dheebotaan bishaan seâ€™uuti. Yommuu isatti dhufu homaa hin argatu. Isa biratti Rabbiin argata, hisaaba isaa guutuu godhee isaaf kafala. Rabbiin qorannoon Isaa saffisa.â€™ Suuratu An-Nuur 24:39

Saraaba jechuun sababa balaqqeessa ifa aduutin walakkaa guyyaa keessatti fagoo irraa yommuu ilaalan wanta akka bishaanitti mulâ€™atuudha. Fakkii armaan gadi irraa ilaalun ni dandaâ€™ama.



Saraaba

Aspaalti kana gara fuunduratti yommuu ilaalan wanti bishaan fakkaatu ni mulâ€™Mata. Kuni saraaba jedhama. Ingiliffaan â€™emirageâ€™

â€™Warri kafaran hojiiwwan isaanii akka saraaba dirree keessatti dheebotaan bishaan seâ€™Mtuuti .â€™ Kana jechuun namoonni Gooftaa isaanititti amanuu didanii fi Ergamtoota Isaa kijibsiisan hojiiwwan isaanii faayda qaba jedhanii yaadan akka saraabati. Namni dheebotee saraaba kana fagoo irraa yommuu ilaalu **bishaan** akka taâ€™Metti yaada. Haaluma kanaan kaafironni hojiin isaan hojjatan**hojii gaarii faayda isaaniif buusu** akka taâ€™Metti yaadu.

Fakkeenyaaf, Rabbii oltaâ€™Maan alatti wanta biraa yommuu waaqeffatan, â€™Kunniin Rabbiitti nu dhiyeessu, shafaâ€™Maa (jaarsummaa) nuuf taâ€™Muâ€™jedhu. Garuu akkuma namni dheebote yommuu saraabatti dhufu homaa hin argannee, isaanis Guyyaa Qiyaamaa wanta hojjatanii fi abdatan irraa homaayyu hin argan. Hojiiwwan gaggaariin biroos nu fayyada jechuun hojjatan homaa isaan hin fayyadu. Sababni isaas, waan kafaraniif kufriin hojii guutuu jalaa balleessa.

â€™Isa biratti Rabbiin argata, hisaaba isaa guutuu godhee isaaf kafala.â€™

Hojiin kaafiraa akka saraaba waan taâ€™Meef yommuu duuti isatti dhuftu homaa hin argatu. Kana irra, Rabbiin argata. Kana jechuun erga duâ€™Mee booda Rabbiin wal-qunnama. Kanaafi, akkana jedhe, â€™**hisaaba isaa guutuu godhee isaaf kafala**â€™ kana jechuun Guyyaa Qiyaamaa jazaan hojii isaa guutuu godhe kafalaaf.[\[1\]](#)

Ibn Abbaas (radiyallahu anhu) aayah armaan oli ilaalchise ni jedha: â€™Inni kuni Rabbiin namticha dheebotee dheebun isaa itti jabaattee ergasii saraaba arge akka fakkeenyaatti dhiyeesse. Namni kuni saraaba kana bishaan seâ€™Me. Kanaafu, bira deemu barbaade, bishaan akka argatetti yaade. Garuu yommuu bira gahu, homaa hin arganne. Yeroo kanatti ni duâ€™Me. Kaafirris haaluma kana. Hojiin isaa akka isa fayyadu godhee yaada. Hanga duuti isatti dhuftutti homaa irrattu hin tasgabbaaâ€™Mu. Yommuu duuti isatti dhuftu, hojiin isaa kan isa fayyadu taâ€™Me hin argatu.â€™[\[2\]](#)

Wanta armaan oli chaarti armaan gadiitiin ibsuun ni dandaâ€™Mama:

Kaafira akka Dheebotaa

Hojii Kaafiraa akka Saraabaa

**Dheebotaan bishaan dhugaa se'ee saraaban gowwooma-
Kaafirris hojii hojjatu dhugaa se'ee ittiin gowwooma**

Addunyaa Tana akka Dirree

**Dheebotaan bakka saraabaa dhufuu-Kaafirris yeroon du'aa
isatti dhufuu**

**Saraaba bira yommuu gahu homaa hin argatu-Kaafirris
erga du'ee kaafame booda homaa hin argatu**

**Namni bishaan dhabe kuni du'u danda'a-Kaafirris Guyyaa
Qiyaamaa ni bada (azaaba keessatti kufa)**

[1] Tafsiir Muyassar-355, Tafsiir Qurâ€™aanil Kariim-Suuratu An-Nuur-fuula 274-275, Ibn Useymiin

[2] Tafsiir Xabarii-17/328

Date Created

July 10, 2020

Author

admin